

¡BOMBA!

Con limitado recurso,
vamos contra delincuencia,
mientras esa fea Agencia
receta doble discurso



K'untzil

Jueves 20 ti' agosto ti' u ja'abil 2026

CAMPECHE · YUCATÁN · QUINTANA ROO · AÑO 12 · NÚMERO 2793 · www.lajornadamaya.mx



ONUe' tu takpoltaj ts'o'ok u yantal 350 u túul humanitario ajmeyajo'ob kíinsa'ab tu ja'abil 2025

Le jaytúul máaxo'ob ku meyajo'ob yóok'olal wíinik -humanitarios- kíinsa'ab tu ja'abil 2025e', tu chukaj 350 u túulal. Ti' le je'elo'obo' 186 u túulale' kíinsa'ab Gaza, yéetel uláak' 71e' Sudán, beey úuchik u yajóoltik le miércoles máanika' u Oficinil Naciones Unidas ti'al Coordinación de Asuntos Humanitarios (OCHA).

"Tu ja'abil 2025e', yanchaj uláak' récord ti' ba'ax yaan u yil yéetel loobilaj beeta'ab yóok'ol humanitario ajmeyajo'ob, tumen

yanchaj 907 u túul humanitario ajmeyajo'ob kíinsa'ab, loobilta'ab wa secuestrarta'ab", beey tu ts'íibtaj mola'ay ti' k'a'aytajil ts'íib.

Xookil beeta'abe' jch'a'ab ti' u datosil u kúuchil xaak'al Humanitarian Outcomes, tu'ux ila'abe' le jaytúul kíinsa'abe' jach chéen jump'iit u jela'anil yéetel le beyka'aj yanchaj tu ja'abil 2024, tumen ti' le je'elo' yanchaj 377 u túul ajmeyajo'ob kíinsa'ab.

Desde u káajbal 2026e', ts'o'ok u yantal uláak' 82 u túul humanitario ajmeyajo'ob

kíinsa'an; loobilta'al 97i' yéetel secuestrarta'an 39 ichil tuláakal yóok'ol kaab, a'alab tumen OCHA.

"Ts'o'ok u kíinsa'al maanal mil humanitario ajmeyajo'ob tu jo'olaj óoxp'éel ja'abo'ob, ts'o'oke' lelo' ma' jump'éel ba'al unaj u éejenta'ali", tu ya'alaj máax ti' k'ubéenta'an u jatsmeyaj humanitarioil te'el ONUo', Tom Fletcher.

"Ba'ale' ma' táan u kaláanta'alo'ob wa chéen ku beeta'al u takpoolili'. Nojlu'umo'obe' unaj u

chíimpoltik u páajtalilo'ob wíinik jets'a'an ti'al tuláakal yóok'ol kaab, ti'al beyo' u k'a'abetikunsik tuláakal ba'ax kun páajtal ti'al u kaláanta'al kaaj, ba'ale' beyxan k'éet meyajo'ob. Ts'o'oke' máax ma' táan u beetik ba'ax unaje', k'a'anan ka u k'amo'ob u si'ipilil", tu ya'alaj.

OCHA ku ya'alike' "u k'i'itpajal drones ku ts'ook de ma' ko'ojtaki', yéetel séebu beeta'al u meyaj je'el tu'uxe', chí'ichnak ba'al" tumen "ku ts'áak u páajtalil u yantal bix u kíinsa'al máak chéen beyo'".